



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Provisiones Senectutis, Per Tres
Partes Distributæ - In quibus raræ ac penenecessariæ Veritates, cum
omnibus Christi fidelibus, tum potissimum Gratiarum Cœlestium,
lucrorumque æternorum avidibus, quà theoreticè, quà practicè
proponuntur

Družbicki, Kaspar

Ingolstadii, 1732

VD18 90066391

Classis Primæ.

urn:nbn:de:hbz:466:1-45462

PROVISIONUM SENECTUTIS PARS TERTIA.

Expeditis duabus partibus Provisionum Senectutis restat tertia expedienda, in qua Stimuli admovendi sunt Mentibus nostris, ad procurandas omni cum diligentia, infatigabilique cum assiduitate & fervore, eas omnes, quas jam adduximus, proposuimus, laudavimusque Provisions. Adspiret utinam Deus conatibus nostris, tam in exponendis quæ agenda sunt: quam in exequendis, quæ exponenda sunt. Tres in classes Stimulos istos partimur, secundum trium justitiae Christianæ partium rationem, ita ut sint stimuli desumpti, alii à via purgante, alii à proficiente, alii denique à perficiente. Esto itaque

CLASSIS PRIMÆ

Stimulus I.

Conscientia Obligationis.

Naturaliter, & magis etiam supernaturaliter nobis inditæ impositæque. Ad hoc enim à Deo factore nostro conditi, & ipsa conditione ordinati sumus, omnes ut obligemur ipsi eidem Deo ad servitutem, & obedientiam, & voluntatis ejus sanctissimæ accuratissimam adimpletionem.

nem. *Hec est autem voluntas Dei Sanctificatio ve-* 1. Thes. 4. 5.
stra, ait Apostolus. Sancti estote : quoniam & Levit. 11. 44.
ego Sanctus sum. loquitur Dominus. Attenden-
da sunt verba & signanda præcepta. Apostolus
voluntatem Domini, Dominus verò ipse Exem-
plum suum proponit. Ibi obedientia, hic imi-
tatio exigitur; Sed Sanctitas nostra, est affectio
sancta ad Deum scilicet & ad Divina omnia, nem-
pe voluntatem, gloriam, imitationem vitamque
eternam, in qua est ultima & perfecta consum-
matio obligationis nostræ. Quisquis ergo se
facturam Dei agnoscit, sentiat obligationem, ex-
hibeat voluntatis executionem, præstet exempli
imitationem, tendat & in tendendo ne torpeat,
sed potius in dies horasque amplius ferveat ad vi-
tam eternam. Odit enim Deus noster rapinam in Isa. 61. 8.
bolo causto, torporem in suo obsequio, tardita-
tem in cursu, procrastinationem in bravio, obli-
tionem in debito, aberrationem ab Archetypo.
Quid multa? Obligavit te Deus: amplius ne ali-
quid requiris? adhuc ne quasi onager liberum
te natum putas? Ecce insuper deficit te tempus,
imò illud jam jam accipit Deus; jam lampas tua
extinguitur, jam ingruit nox longa: tu adhuc
dormitas? adhuc nec̄tis moras? adhuc in annos
fervorem laboris differs? cui dies una non satis
certa est?

Stimulus II.

Conscientia Peccatorum.

A dmissorum à prima pueritia, eorumque gra-
 vium & multorum, & scienter, volenter,
 malitiosè, ex animo repetitè admissorum. Pa-
 rum

rum tibi erant ad onus, debita naturæ: adjunxisti
 etiam malitiæ seu voluntatis malignæ. Ecce
 omnia ista signata sunt, quasi in sacculo apud
 Deum. Unicum peccatum detraxit in profun-
 dum inferni Apostatam Angelum : quid facient
 de te tua innumera, eaque, naturâ suâ partim uni-
 illi paria, partim etiam longè graviora. Reme-
 dium à pœnitendo est, pœnitendi tempus mul-
 tum multa peccata graviaque requirunt, tuum
 autem tempus jam breve est. Ergo ut in brevi
 tempore pœnitendo expientur peccata gravia &
 multa, explenda sunt tibi in brevi tempora mul-
 ta. Hoc autem segnities, hoc procast natio,
 hoc mollis pœnitentia, hoc vana spes & præsum-
 ptio non faciet. Paratus est Deus semper dare
 veniam, sed si tu semper à commissis delictis agas
 pœnitentiam. Nam qui in cras differt pœnitere,
 probat se hodie adhuc velle peccare: quod iram
 Dei provocat, & in crastinum dilatam enervat,
 imò impedit pœnitentiam. Nam qui cras pœni-
 tentibus veniam promisit : diem crastinum ad
 pœnitentiam non promisit. Porrò ille benè pœ-
 nitentiam agit, qui tempus in quo adhuc peccare
 potuit, in peragenda pœnitentia transfigit.

Stimulus III.

Conscientia exiguae Pœnitentie.

PEractæ pro peccatis grandibus & mole, & nu-
 mero, & malitiâ. Unum hoc, quod in De-
Matt. 5.22. um peccaveris, omnis naturæ judicio inexpia-
 bile est; sint licet cætera leviora: Iracundiore
 sono in fratrem crepuisse, fatuum appellasse;
 judicio & gehennali supplicio dignum judicavit

ipſa Æquitas! in Deum ſi peccasti, nihil grandis
 supplicii promeruisti? poteris hoc, oculo manus
 tuæ expiare? Satis delicate decrevit, qui dixit.
Quantum glorificavit ſe, & in deliciis fuit, tantum Apoc. 18.7.
 date illi tormentum & luctum. Terreat hoc in col-
 latione voluptatis peccati, cum gravitate suppli-
 cii: at in comparatione peccantis hominis (qui
 eſt putredo, & vermis, & caput canis mortui)
 cum Deo, cuius majestatis & magnitudinis non
 eſt finis, numquid ulla ſatis erit, non dico æqua-
 litas, ſed vel proportio? Metire igitur te qui pec-
 casti, & eum in quem peccasti, & tunc finem
 condignæ pœnitentiæ, menſuramque inveni. At
 Deus ipſe, tantum rigorem non requirit. Id qui-
 dem bonitatis ejus eſt. Nunquid autem te Boni-
 tas ejus ad audaciam peccandi, & ad ignaviam
 pœnitendi adducere debuit? Si pecuniam cre-
 ditori deberes, & ille multum tibi ex ſumma
 debita condonaret, nihil tibi condonatio ad de-
 bitum pecuniæ, multum verò ad gratitudinis
 officium adderet. Sed quando illatæ injuriæ con-
 temptusque facti enorimter reus es, quantò mi-
 nor a exigit qui Iæſus eſt, tanto te constituit ma-
 joris injuriæ contemptusque reum; quia te
 offendit immānius peccasse in adeò mansuetum
 atque placabilem, minusque & minus fuiffe læ-
 dendum, diligentius autem & ſtudiosius placan-
 dum. Ergo augenda tibi ſunt pœnitendi ſtudia
 & opera, tum quia peccatum eſt plurimum, tum
 quia in Deum tantum, abſ te tantillo peccatum,
 cui ut vel pro minimo delicto ſatis ſiat: totius æ-
 ternitatis pœnitentia non ſufficiat.

Stimulus IV.

Conscientia Dubia remissionis.

Isa. 1.15.

Scriptum est monitum quibusdam, pœnitentiibus licet: *Cum extenderitis manus vestras, avertam oculos meos à vobis, & cùm multiplicaveritis orationem, non exaudiam.* Narrat quoque Sacra Historia de quodam pœnitente & dicente,

2. Mach. 9. *Justum est, subditum esse Deo, & Mortalem non parat Deo sentire.* quid ad pœnitentiam defuisse huic putes? audi tamen quod sequitur. *Orabat autem scelestus hic Dominum, à quo non esset misericordiam consecuturus.* Vide Judam traditorem. *Nonne pœnitentiā ductus, retulit argenteos, & projecti*

Matt. 27.15. templo, & confessus est. *Peccavi tradens sanguinem justum?* Nihilominus laqueo se suspendit. Denique proniūs est invenire tales, qui innocentiam conservaverunt, quām qui post peccatum dignam pœnitentiam egerunt. Unum Davidem invenies, qui postquam dixit *Peccavi*, audivit

2. Reg. 12. 13. *Dominus transtulit peccatum tuum à te.* At Caimos, Saulos, Antiochos, Judas quām plurimos, quo-

Matt. 7. 21. rum pœnitenda & impœnitens fuit. *Non omnis qui dicit mihi Domine, Domine, intrabit in regnum cælorum,* neque omnis qui dicit mihi, peccavi, affequitur remissionem peccatorum. *Est enim*

Eccl. 19. 23. non unus, qui se nequiter humiliat: *interiora autem ejus plena sunt dolo.* Vel quia non peccare metuit, sed ardere; vel quia pœnitentiam agit, non quia peccavit, sed quia peccare jam nequit, vel quia licet pœniteat, tamen affectu ad peccatum adhæret, atque in procinctu est, ut canis ad vomitum redeat: vel quia pœnitendo plus damnna sua, quām injurias Dei deplorat. *Non que-*

quælibet ergo pœnitentia, est pœnitentia, sed *Prov. 16. 11.*
 multæ sunt pœnitentiæ, pœnitendæ. Quare cau-
 tæ ambula, & vide, ne aliquando, ne sæpè te
 pœnitentiam agente, fuerit in spiritu tuo dolus.
 Saltem nunc charitas te pœnitere invitet, chari-
 tas pœnitere doceat, charitas tecum pœnitentia,
 charitas peccata expendat, charitas exhorreat,
 charitas defleat, charitas erubescat, charitas de-
 testetur, charitas exurat, charitas operiat, chari-
 tas expiet, charitas ab animo, ab effectu, in æ-
 ternum proscribat, charitas ex nunc absque di-
 latione mortem peccatis indicat & inferat. Pro-
 trastinantem enim pœnitentiam charitas vera
 non novit, sicut lux tenebras, aut vita mortem;
 sed sicut ad exortum lucis nox fugit, ita ad præ-
 sentiam charitatis, peccata de corde præcipitan-
 tur & eliminantur.

Stimulus V.

Conscientia timenda remissionis.

D Avidi pœnitenti dictum est, quod Dominus
 transtulisset peccatum suum ab eo: nihil
 omnis additum est illi. *Verumtamen quia fecisti 2. Reg. 12. 13.*
*blasphemare inimicos Domini propter verbum (pec-
 catum) hoc, filius qui natus est tibi, morte morietur.*
 En peccatum dimissum, & tamen quasi non di-
 missum esset, castigatum est; & causa addita,
quia fecisti blasphemare inimicos Domini. Grandis
 causa, formidanda causa, paucis, & raro nota,
 paucioribus æstimata causa. Nota erat Davidi
 remissio, & tamen timenda fuit remissio. Quid
sanctius Moysé, Aarone, & Samuele? priorum
 duorum defectum coram Domino novimus,
 postremi nullum omnino legimus, & tamen de-

M 2

omni-

DR. C. R.
BILK. 2.
100. 48. 2. 1.

II
V
17

Ps. 98. 8. omnibus his dicit David laudans iustitias & misericordias Domini super eos: *Deus, Tu propitiatus fuisti eis & ulciscens in omnes adinventiones eorum.* Tantis suis amicis, Deus & propitiabatur, & tamen in omnes, eorum defectulos ulciscerebatur. Jam vero veniat in considerationem illud quod *Eccl. 6. 7.* Sapiens monet. *De propitiato peccato,* (alias de propitiatu peccatorum) *noli esse sine metu.* Esi enim Dona Dei sunt apud Deum absque poenitentia, neque Deus retractat verbum suum: attamen saepe numero apud se restringit verbum suum: & conditionem apponit, quam non semper exponit: sed nonnisi per residuum infictæ poenæ, manifestam facit.

Accedit quod Deus paulò severius peccata nostra ponderat, quam nos vulgo solemus; ad majoresque & plures, & diversi generis poenas ea taxat, quam nos credimus. Neque vero semper quoties poenitentibus nobis peccata relaxat Deus, toties totas omnesque poenas relaxat: sed æternam quidem temporali commutat, temporalem autem non unam assignat, quandoque autem ex eis neque unam condonat, quandoque condonans unam vel alteram, alias tamen reservat. Neque semper est (imò raro est) nostra talis poenitentia coram Deo, ut adæquet justitiam taxamque justitiae Dei: quocirca partem, & saepe modicam, nostra satisfactio abolet poenæ, reliquum remanet à Divina vindicta exigendum. Quibus poenis à Deo taxatis, annumerandas sunt ac simul præ omnibus metuendas, atque ut expientur per nos, curandas poenæ spirituales: dicta ita ideo, quia per eas spiritus noster, id est, Homo spiritualis & interior, à Deo flagellatur. flagel-

latur

latur verò subtractione, ex toto, vel ex parte opportuñæ gratiæ, occasionum tentationum vè permissione, in iis derelictione, lapsuum permissio-ne, obduratione cordis, excæcatione mentis &c.

Hæ pænæ spirituales infliguntur à Deo sæpe, & non pro mortalibus tantum noxis, nec etiam pro venialibus culpis solùm, sæpè inferuntur etiam pro non culpis, etiam pro omissis inculpabiliter dispositionibus ad auxilia & adventum gratiæ, sæpè pro tardato solùm aditu ad Deum, pro dilata tantum apertione cordis pulsanti Deo.

Habet ergo conscientia unde timeat vel ipsam emissionem peccatorum suorum. Habet unde timeat seipsum levissime peccantem, accurate penitentem, atque etiam ne quidem peccantem, vix certè delinquentem. Quod cum ita sit, semper quidem & omnes quidem stimulare conscientia sua debet, ut non sint sine metu, at revera illis maximè hic stimulus opus est: quos vicina vivendi meta percellit metu. Decet enim hos, ut quām maximè urgeant exsolutionem, quando evidenter urgeri ad resolutionem. Qui enim adhuc vegeti sunt, malè quidem, attamen quasi rationabiliter peccant in spe, dum procrastinant, ut quibus jam tempus resolutionis suæ instat, si non nisi irrationabiliter, ac proinde inexcusabiliter æque & damnabiliter vocem Corvi Cras, Cras, occidunt.

Stimulus VI.

Conscientia peccatorum omnium.

Dicit forte tibi (ô Homo) conscientia tua. Gratias Deo: non mihi mortalium consci-
sum. Venialia quæ sola sentio, non me damna-

M 3 bunt

bunt in perpetuum. Quia enim venialia sunt, facilem habent apud veniam Dominum & con-donationem & expiationem. Hæc qui dicitat, que sentit ignorantiae & tepiditatis filius est, de gente exasperante, de populo gravi corde processit. Veniale peccatum non tam est parvi faciendum, quia veniale ; quam potius formidandum est, quia peccatum est. Mittamus hoc (quod tamen præcipue in oculis haberi debet à veris Dei ser-vis) quod peccatum etsi veniale in Deum tamen sit, & ei displiceat, & Spiritum Sanctum conti-stet, & gratiæ spiritum, seu spiritus gratiam ex-tinguat, & multam animæ labem scabiemque inducat, & auxilium Dei speciale efficaxque re-pellat, & sternat complanetq; viam facillimam ad mortales lapsus, & mentem excæset, & cor ob-duret, & spirituales sensus hebetet atq; obtundat; mittamus hoc totum : illud expendas (mi homo) per velim. Cares peccatis mortalibus, & sola venialia in te agnoscis, dic quæso, estne hoc multæ & magnæ gratiæ Divinæ auxiliantis pro-tegentisque ac vigilantis circa te, & super te? ne-gare non potes, nisi impiissimus æquè ac ingra-tiissimus. Est ergo gratiæ copiosæ, amplæ, sin-gularis : carere mortalibus. Jam te judicem ipsummet volo. Estne hoc boni ac veri filii Dei abundare Divinis auxiliis copiosis & præstanti-bus, & nihilominus scatere peccatis venialibus? An putas Deum, qui te à mortalibus protegit, velle à te per venialia offendit, irritari, conspur-cari, contemni? Audistine aliquando Patrem, qui dicat Fili mi, liberum tibi esto, cædere, vul-narare, lapidare, irridere, despere, luto, co-no, sordibus me oblinire, contemptim habere,

*Psal. 4. 1.
Ezech. 2. 5.*

In oculis meis omne genus ingratiarum agere:
 solum parricidium, vide, ne commiseris, cave
 ne me vitâ spoliaveris. Homo, qui peccata ve-
 nialia sicut aquam bibis, qui solis te illis scatere
 pñè gloriaris, penè gratias agis, tu videris ta-
 lem tibi Deum tuum Patremque tuum effinxisse:
 cuit tantum parricidium mortalis culpæ displiceat,
 culpas autem tuas veniales ultrò abs te exposcat.
 Domine: eo ne usque infipientiæ & improbita-
 tis, amici tui, filii tui, sponsæ tuæ devenient:
 ut iis peccare in te venialiter pro magnatua in eos
 gratiâ favoreque sit? O monstrum ignorantiae
 simul & tepiditatis & ingratitudinis! Sine pecca-
 tis quidem esse non possumus, sicut neque sine
 morbis, atqui non ideò morbos ultrò quærimus,
 immò repellimus, fugimus & fugamus. Non
 ergo etiam ideò peccata venialia admittenda vel
 dissimulanda sunt, sed potius, & fuigenda, &
 effuganda, & persananda, & expianda omni
 ratione sunt, omnibus quidem: at certè omni
 sobrio judicio judice, iis vel maximè, quos cum
 annis etiam tempus vivendi, simul ac venialibus
 delinquendi deserit. Ne à Deo inveniantur tunc
 primum desiisse venialiter peccare, quando de-
 fecit eos tempus, quo possunt peccare. Potius
 hoc agant, ut spatia peccandi, occupent actio-
 ne & labore pro peccatis suis venialibus accuratè
 pœnitendi, & quam plenissimè Deo satisfaciendi.

Stimulus VII.

Conscientia Mortis advenientis.

NAVIGATIO est vita hominis super terram, tam-
 diu in mari navigatur, quàm diu ad por-
 tum non pervenitur. Invecta est in portum na-

vis, cessat navigatio, exitur de navi, exportantur quæ in navi vehebantur. Et in mari quidem navigantes, non raro declinant in portum ingredi, sed in vita hac qui navigant, velint nolint ad portum mortis accedunt, eumque intrant mercesque exportant. Portus maris non ubique est, portus vitæ ubique est, ubique enim ad mortem perveniri potest. O quanti putarunt, se adhuc in medio Oceanus spatiari, & ecce invenerunt se in portu: an potius naufragio mortis? Et tamen cum hoc omni momento paenè homines oculis manibusque usurpent, cordibus suis ne capillo extremo hoc tenent: cum in omni puncto vita, mori se posse certò sciant; vivunt tamen adeò securi, curas & studia & cupiditates, in adeò longas destinant moras, quasi aut nunquam mori turi sint, aut pactum cum morte quoddam in annos perennes inierint. Et hoc faciunt non florentes tantum juvenum, aut robustæ virorum ætates, sed etiam senescentium, etiam senum, etiam senecionum tremuli caligantesque dies. Audire mentionem mortis horror est illis, & ira materia, qui sunt mortuis quam vivis penè similes, propè viciniores. Hæc verè stulta senectus est, esse in fine vivendi, nec tamen videre finem vivendi, velle longam vitam, cuius nec spem habere possint longam. Illa est præclara senectutis Sapientia: providere non tam futuris, quam instantibus: amandare curas & cogitationes longæ vitæ proprias, assumere eas, quas faciendo, æternitati prospiciant, extendere vitam magnis & multis factis atque meritis, & brevitatem dierum sæculis admetiri: Hoc igitur agamus, quotquot morti senectute appropinquamus.

Stimulus

Stimulus VIII.

Conscientia reddendæ Deo rationis.

OMnibus quidem incumbit lex ista: *Reddere rationem villicationis tuæ.* & illa. *Statutum Hebr. 9. 77.*
est omnibus hominibus semel mori, post hoc autem *ju-2. Cor. 5. 10.*
dicium. *Ut recipiat unusquisque prout gessit in cor-*
pore. Attamen senibus ea lex incurrit in os, &
 incumbit supra scapulas humerosque, gravans
 eos ad terram usque ut velint, nolint, sepulchri
 locum querant assiduo. Istis enim propriè ser-
 vit quod addidit Dominus villico iniquitatis. *Jam*
enim non poteris amplius villicare. *Non poteris am-*
plius villicare: quia te jam incipiunt anni grava-
 re, & non tantum villæ, sed etiam vitæ gerendæ
 ineptum reddere. Age ergo quisquis jam sorte
 senectutis vivis. Delibera tecum dum adhuc
 tempus est. *Quid faciam?* Dies mortis instat,
 diem mortis comitatur Judicii particularis passus
 timendus & angustus, post hoc reservatur dies
 judicii: dies illa, dies iræ; dies, amara valdè,
 ibi tribulabitur fortis, ibi devorabitur astutia sa-
 pientis, ibi divitiae & gloriae proderunt nullæ, ibi
 preces & lachrymæ steriles, ibi minæ terrebunt
 Judicem nullæ, gratiae lenient ultorem nullæ. In
 illa *justus vix salvabitur,* *& impius peccatorque ubi* ^{i. Petr. 4. 18.}
 parebunt? Intret ergo homo quotidie, quavis
 hora, quavis vitæ portione, in Judicium cum
 seipso, & suo Judicio sui, præveniat judicium
 Divinum de se. Qui enim se judicat, Dei se ju-
 dicio subtrahit: qui autem non judicat se, judi-
 cito Dei reservat se. *Si nos ipsos judicaremus, non i.* *Cor. 11. 31.*
 utique judicaremur ait Apostolus.

Ex quo ulterius sequitur, quod quali nos ju-

M S

dictio

dicio judicamus, à tali nos judicio subducimus.
 Si rigidè judicamus nos, rigidè non judicabimur
 à Domino, sed placidè, tale enim judicium re-
 servavimus, qui rigidum præoccupavimus. Con-
 trasi nobis in judicio de nobis blandimur, blan-
 dè non judicabimur à Deo, sed rigidè, tale enim
 judicium relinquimus Deo. Unde hic etiam ser-
 vit illud Domini nostri. *Qui amat animam suam
 perdet eam: Et qui odit animam suam, in vitam
 æternam custodiet eam.* Amat animam blandus
 iudex sui, sed hoc ipso perdit eam, quia rigido
 judicio Dei reservat & exponit eam. Odit verò
 & perdit animam suam, qui rigoroso sui judicio
 examinat, dijudicat, accusat, damnat eam; sed
 hoc ipso eam servat, quia placido Dei judicio
 eam reservat. Nemo ergo præposterè amet se,
 nemo parcat sibi. Nemo metuat assumere in se
 personam Judicis Christi, dum vivit; ut dum
 morietur non subeat personam Christi Judicis,
 quām meritò metuit. Statuat se & accuset & eru-
 bescat apud Judicium suum, ut evadat accusatio-
 nem confusionemque apud Tribunal Divinum.
 Nonne satiùs est coram uno se confundi, & ta-
 men absolvì, quām coram judge Deo, specta-
 tore toto mundo, & patescere, & palescere, &
 tamen in æternum perire? Timet stultus homo
 oculos unius, nempe etiam suiipsius, & non at-
 tendit, quia quondam manifestandus est oculis
 Christi & simul mundi totius. Sed hic metus mi-
 nor, ut potè remotior, sit apud juvenes: curve-
 rò apud senes, aliterque morti vicinos neglectui
 esse debeat, nemo facilè causam inveniet ido-
 neam: præter inolitam vulgo ad talia hominum
 socordiam. Judicemur à nobis, ut non judice-
 mur

mus.
imur
n re-
Con-
plan-
enim
a ser-
suam
vitam
ndus
gido
verò
dicio
; sed
dicio
t se,
in se
dum
icis,
eru-
atio-
quum.
&
cta-
, &
omo
n at-
culis
mi-
ve-
ctui
do-
num
ice-
mur

mur à Deo, damnemur à nobis, ut absolvamur à Deo. Inveniat nos Deus occupatos in judicio nostri, ut nos injudicatos abire faciat in vitam æternam ab judicio suo.

Stimulus IX.

Conscientia promeritarum pœnarum.

Stipendia peccati mors; & quidem cum omnibus Rom. 6. 23. mortis tum anteambulonibus, tum comitibus, tum pedissequacibus. Quasi enim quidam belli (contra Deum) duxtor est Peccatum: cui militat omnis peccator. *Qui enim facit peccatum, Joan. 8. 32.* servus est peccati, & iste militibus, sive servis suis solvit stipendia, Mortem. Mortem temporalem cinctam omnibus miseriis hujus vitæ, quæ omnes veluti addititiæ, mortem principem principalemque consequuntur, comitanturque. Mortem deinde Animæ Spiritualem: quoniam peccatum est mors animæ, privatio gratiæ, & Amicitiæ Divinæ, venenum charitatis & omnis virtutis, Traditio in servitutem diaboli, & possessionem pabulumque inferni, Hæreditatio damnationis æternæ, eradicatio omnis meriti, & juris ad vitam æternam, æternum exilium à Deo, irreconciliabilis avercio & rebellio à Deo: Maledictio omni pejor malo, cuius pœnae & vindictæ, nullus infernus, nulla damnatio sit satis; propter quod æterna illi assignatur punitio ab justissima æquitate Dei: ut quæ castigari satis nunquam possit, semper castigationi subsit.

Atque hoc est tertium stipendum Peccati Mors scilicet, atque damnatio æterna, habens amissionem Dei æternam, habens ardores & combustionem æternam, habens vermem, iqui non

DR. C. R.
BILK. P.
DR. 4312-21

II
V
IV

Apoc. 14. II. non moritur in æternum, habens desperationem, furorem, rabiem æternam, habens mortem immortalem, immortalitatemque mortuam, habens cibum & pastorem mortem æternam, habens maledictionem æternam, habens societatem supplicii, cum diabolo, & angelis ejus æternam, habens salitionem ignis æternam. Age jam homo: pecasti? ecce hæc sunt stipendia tua: quæ tibi numerat Dominus tuus. Non te delectant ista stipendia? non etiam ergo delectent te peccata tua. Non vis ut ascendat fumus tormentorum tuorum peccatorum in secula seculorum? hoc age nunc, ut nunquam non ascendat coram Deo deploratio, & detestatio & expiatio, & digna per omnes gradus pœnitentia peccatorum tuorum. En justitia Dei, æternitas tormentorum inferni ad scelera tua vindicanda non sufficit: tibi ad eadem in hac vita deploranda, tantillus pœnitentiæ (utinam non & ipfius pœnitendæ) luctus propè momentaneo tempore decursus sufficiet? Pro Superi! Peccator reservat pœnitentiam suam in extremum vitæ halitum: & in eo se abundè credit persoluturum, tam omnem in Deum, & coram Deo reatum, quam totius æternitatis supplicium. Quis credat veram huic inesse pœnitendi voluntatem, qui adeò perfundoriam credit fibi suffectoram pœnitentiam? Non est quidem impossibile apud Deum omne verbum, nec est abbreviata manus Domini ad miserendum: non est tamen voluntaria procastinatione abbrevianda coram Deo pœnitentia. Brevis enim pœnitentia, ut plurimum levis est, & quæ sera est, raro vera est. Denique hostis hominis est diabolus, qui seram brevemque laudat

dat & suadet pœnitentiam. Deus est autem, qui & citam, & longam, & seriam severamque desiderat, requirit & probat acceptatque pœnitentiam. Ad causam utriusque pœnitentiaæ deciden-dam, satis præjudicij adferunt sui Authores. Nem-o sanus, dubia, securis præposuit.

Stimulus X.

Conscientia damnorum Spiritualium.

Ad pœnas spirituales peccatorum nostrorum rursus revolvor, ut earum metu, imò conscientia, animam segnescensem ad expianda fugienda mala, ad procurandum fervescendumque in nobis exstimum. Ad pœnas peccatorum non tantum mortalium, sed etiam venialium, acne talium quidem, etiam occasionum & causarum, Justus Deus, pertinere debere arbitratus est, pœnas spirituales: quæ maximè consistunt in subtractione auxiliorum Dei efficacium singulariumque & animæ necessariorum ad evitanda peccata graviora, ad cavendas vel vincendas tentationes & occasiones periculosas, ad pervincendas difficultates, tam à diabolo, quam ab aliis creaturis, quam ab ipsis animæ habitibus affectibusvè convergentes, ad videnda & declinanda pericula la-psiūm, ad aggrediendum perficiendumque feliciter præclara Divini obsequii opera, ad promptè, commodè, flexibiliter obsequendum voluntariis Divinis, ad continuandum bona, ad progre-diendum ad optima, ad perseverandum in perfe-citis & arduis, ad obtinendam victricem congruamque suavitatem voluntatis, ad excludendam duritatem cordis, & stuporem cæcitatemque mentis, & derelictionem Divinæ specialis protectio-nis.

nis. Sitne aliquid his pœnis & damnis animæ periculosius & perniciosius: puto, quod ut explicetur fusiùs, nemo desiderabit.

Irrogat Deus hujusmodi pœnas, occulto sed justo nimis judicio suo. Vel ob peccata non tam in se, quam in voluntaria deliberataque voluntate gravia. Vel ob scandalosè in plures propagata durantia, duraturavé per imitationem. Vel ob deductus deterritosvé multos, aliquosve ab obsequio Domini, perfectionis studio &c. Vel ob pluries (contractu habitu, audaciore animo, oppresso remorsu oblatratuque conscientiæ, dissimulatis vel spretis Divinis motibus) eadem commissa, omissave cum profectus damno, cum laudis gustusque Divini imminutione. Vel ob minus integrè minusve diligenter ac minus severè retractata, judicata, castigata, suppleta, delicta, & neglecta. Vel ob tardatam aut etiam negatam Deo in suis gratiis, pellectionibus, suasionibusque obedientiam. Vel ob periculo alicui expositam animam conscientiamque, ac mentis puritatem, ex inconsideratione, ex præfidentia sui viriumque suarum, ex studio placendi, seu non displicendi creaturæ. Vel ob admissas inconsultè, bonas licet in specie, vel etiam re, curas importunas, superfluas, à Dei congressu & consortio mentem præpedientes, Deumque excludentes. Vel ob vehementiorem amplioremque justo, effusio nem, adhæsionem, zelotypiam, spiritus & affectus, in rem, causam, personam, alioqui obligatoriam de se. Vel ob tardam Divinæ opis invocationem. Vel ob majusculam in se, in aliavé creaturâ depositam fiduciam. Vel ob seram perfunctoriamvē gratitudinem & gratiarum actionem

nem Deo. Vel ob præpostere (estō specietenus necessario) præposita Divinis humana creatavē. Vel ob immisericordem aliorum censuram in lapsu, aut tentatione earum. Vel ob nimiam suimet, ac super alios elevati donis naturæ vel gratiæ reputationem: ut dicat sibi de se: *Non sum sicut cæteri hominum.* Vel ob minus humilem reverentemque in tractando Divina, aut cum DEO familiaritatem. *Deus enim noster ignis consumens Heb. 12. 29.*
 est: si nimium appropinques, adureris. Propter hos aliosque similes occultissimos cordis nostri anfractus & prævitates, oculatissimus Deus atque sponsus, amicas licet sibi animas deferit, & subtractione sui castigat; genere pœnæ admodum tristi, incognito; ideoque maximè periculoſo. Quandoque enim talis pœna desinit usque in mortalem, usque in finalem ruinam, ac perniciem, quod, quis ambigit horrendum esse maximè? *Et quis vestigia Job. 11. 7.* Dei comprehendet & usque ad perfectum omnipotentem reperiet? *In turbine enim conteret me, &* multiplicabit vulnera mea etiam sine causa. *Qui et Job. 9. 17.* iam si habuero quidpiam justum, uon respondebo, sed *Ibid. 15.* judicem meum deprecabor.

Et hæc est una, ne dicam sola ratio evadendi spiritualia Dei flagella. Humillima scilicet deprecatio, devota operatio, cauta, oculata, Divina Divinorum tractatio, rigida in feme tipsum etiam pro minimis, etiam pro antiquis, etiam pro condonatis, etiam pro occultis, etiam pro inter justicias reputatis, etiam pro alienis, etiam pro negligitis animadversio, quam differre non minùs eit, quam planè negligere periculoſum.

Stimu-

Conscientia Purgatorii.

Quia Deus æterna peccatis debita supplicia, in pœnas temporales Purgatorii præfertim ignis commutat; ideo homines contenti evitasse æterna supplicia, purgatorium usque adeò non metuunt, ut etiam exoptent, & inter felicitates misericordiasque Domini reputent, ad eas deve-nisse. Est quidem misericordia Dei depurandum, pro æterno supplicio, pœnâ puniri tempora-neâ: at etiam est justitia Divinæ, pœnas tempo-rales & purgatorias ita exacuere, ut quantum ad substantiam (demptâ æternitate) exæquent acer-bitate sempiternas. Irridet ergo, aut ignorat Di-vinam justitiam, quisquis levem reputat purgato-rii pœnam: quæ acerbitate sui, par est per omnia infernali. Si autem infernalis cruciatus, vel ad horam toleratus, ridiculus esse creditur, restat, ut neque Deus justus reputetur. In summa: gra-viores sunt pœnæ purgatorii, quam vulgo reputantur; quibus nullæ hujus vitæ, neque simul plures, neque simul omnes comparari possunt. Proinde quisquis se pœnis purgatorii reservat, quisquis eas hacin vita expiare mediis con-gruis non curat, hic vel inter mente captos, vel inter suimet ipsius hostes computandus est. Tu si sapi, ante mortem tibi purgatorium facito, nihil in re inexplatum negligito, quantum potes ut coram Deo assiduè absque obligatione culpæ & pœ-næ vivas, satagito, quotidiano cordis balneo, ex justitiis miserationibusque Dei, ex sanguinibus Meritisque Christi, ex doloribus & affectibus in Deum tuis confecto, cor tuum à quotidianis macu-

maculis debitisque eluitò: quin etiam supererogatoriis operibus, arbitrariisque pœnis, Animæque tuæ sacrificiis, debitorum tuorum mensuram supergredi conditio. Talis in morte, ab auditione mala non timebis: & asperum verbum non audies: et si transieris per ignem: odor ignis non erit in te: & flamma non nocebit tibi. Alioqui adversarius tuus (conscientia) tradet te Judici, iudex autem tortori, qui te in carcerem mittet, ibi erit fletus & stridor dentium. Amen dico tibi, *Matt. 5. 25.*
non exies inde, donec reddas ad novissimum quadram, universum debitum.

*Psal. III. 7.
Psal. 90. 3.
Eccl. 51. 6.*

Stimulus XII.

Conscientia paucorum bonorum Operum ac Meritorum.

Dicebat quidam in corde suo: *dives sum & locupletatus, & nullius egeo,* audivit autem à veritate judice. *Nescis, quia tu es miser, & misericordus, & pauper, & cæcus, & nudus.* En quam diversa judicia, Hominis & Dei de uno eodemque homine: quem oportebat utriusque esse notissimum, *Nam nemo novit quid sit in homine, nisi spiritus eius hominis, qui in ipso est.* Et Deus quoque est *Rom. 8. 27.* *is, qui novit quid sit in homine, & scrutatur corda & psyches.* Attamen mendaces filii hominum in stateris. *Thren. 3. 1.* *Judicia autem Domini vera, justificata in semetipsa.* Non ergo homo facilè vel sibimet ipsi de seipso attestanti credat, non facilè cum Pharisæo bona sua gloriabundus recogitet. Sit potius vir *videns paupertatem suam, sit potius inspiciens scrinia sua,* & videat admodum pauca deposita esse ibi bona opera atque bona merita sua. Rara est etiam inter electos Dei, Apostolica illa vox. *Bonum certe. 2. Tim. 4. 7.* *tamen certavi, cursum consummavi, fidem servavi,*
V P. Druzh. Op. VII. N in

in reliquo reposita est mihi corona justitiae. Nostrum cuinam licet eā confidentiā uti? Pauca merita habere me, dictat mihi conscientia mea: quia serō nimis ea operari cœpi, quia pauca, & rara feci: quia comparatione malorum quæ patravī, bona admodum pauca sunt: quia comparatione auxiliorum & mediorum, quæ infinita ad manum obvia habui, prorsus pauca sunt; ita ut vix respondeat unum opus bonum, auxiliis, & mediis, & commoditatibus mille: quia comparatione aliorum, tam ante me, quām mecum operantium in Dei vinea, ego prorsus inopiam bonorum operum labore, cūm cæteri opulentissimi ab eis sint. quia denique comparatione mercedis mihi à Deo promissæ, merita mea bona, vix unam unciam mercedis gloriæque mihi in æternum destinatae adquant. Cūm ergo adeò inops meritorum sim, cumque etiam breves dies vitæ meæ jam sint: nunquid parva mihi incumbit necessitas, sanctè & perfectè vivendi, strenuè atque heroicè laborandi, avare ac insatiabiliter cælestia bona coacer-vandi? Nunquid excusabilis ero vel ipsimet mihi si segnis fuero? Nunquid aliud tempus merendi mihi superest, si hoc præsens infructuosum perdi-dero? Egestatem operata est manus remissa; velox autem in opere suo affluet bonis. Manus enim fortium divitias parat.

Stimulus XIII.

Conscientia bonorum imperfectorum.

Sint mihi bona opera, multa, pauca; sint modò; esse aliquantum satis poterit, ad solati-um, ad fiduciam, ad mercedem. Sed ecce conscientia nescio quid immurmurat dicens.

Apoc. 3.2. Non invenio opera tua plena coram Deo meo. Quid est

est non invenire opera plena coram Deo? Est utique habere bona quidem opera sed imperfeta, sed imperfectè peracta, sed scatenia nævis, sed infecta circumstantiis ingratis, sed polluta inquinamentis mentis. Ecce in illo opere præcessit operationem ignavia, aut tergiversatio, aut excusatio, aut humanus pudor metusvè: aut spes humanæ laudis, aut sponsio mercedis. Nunquid purum est? Jam illud opus aliud, factum est oscitanter, tepide, cum cessatione, ad oculum. Aliud imperavit minus recta & pura intentio, peractioni ejus accessit, finem ejus conclusit, inquinatus proprietate finis. Nunquid bonum perfectum est? Illud opus infecit complacentia, illud jactantia, illud super alios elatio, illud imprudentia in fine, mediis, modo, loco, tempore. Illud inchoatum studiosè, sed defecit constantia, illud jam mercedem suam recepit, aeternam à Deo amisit.

Nunquid & hoc placere, nunquid cælum intrare potest? Argumentatio Domini hæc est, neque potest solvi scriptura. Si offeratis cœcum ad immolandum, nonne malum est? Et si offeratis claudum & languidum, nonne malum est? Offer illud Duci tuo, si placuerit ei, aut si suscepit faciem tuam? Pergit autem urgere Dominus. Quis est in vobis, qui claudat ostia, & incendat altare gratuito? Non est mihi voluntas in vobis, dicit Dominus, & munus non suscipiam de manu vestra. Et putat quis quia remunerabitur talia munera, quæ nec dignatur accipere? Illud verò apud Isaiam nonne idem sonat? Ecce in jejuniis vestris invenitur voluntas vestra. Videsne ô homo, bona non esse bona, si eis adhæserit quæpiam conditio non bona? Ergo jam interroga conscientiam tuam, iminò atten-

Mal. 1. 8.

Ibid. 10.

Isa. 58. 3.

- DR. C. R.*
BILK. 2.
10. 18. 20.
- Psal. 72. 10.* de attestantem illam: quia non invenit opera tua plena coram Deo: quia dies pleni non inveniuntur in te. Habe ergo in mente qualiter acceperis, & au-
- Apoc. 3. 3.* dieris, & serva & age p&enitentiam. Si non vigi-
laveris, veniet (Dominus) ad te tanquam fur, &
- Isa. 1. 17.* nescies quãa horãa veniet ad te. Quiesce agere per-
versã, agere tepidã, agere cum nausea Domini:
Disce bene agere: diligenter, ferventer, accurate,
juxta Dei cor & gustum agere.

Stimulus XIV.

Conscientia elapsi temporis.

NEc elapsi tantum, verum etiam perditi: quid verò si etiam perdite elapsi? Parùm est enim plerisque nostrum, si perdamus tempus, nisi etiam perdamus nos ipsos cum tempore. Et tempus quidem perit, perditio autem manet, & cum perditio sit, tamen perditionem non subit. O tempus quãm es vile! quam tibi pretium nemo ponit! quam multi gaudent etiam te sibi periisse! quam nemo est, qui damna temporis non fecerit! quam nemo qui illa etiam ultrò non accersierit! quam multi implent prépostere illud A. postolimonitum: *Redimentes tempus!* Redimunt enim multi perditionem ejus, quia solvunt pretium pro perditione ejus, sumptibusque non parcunt, ut perdent illud; & agunt tam sumptuosè quam & studiosè ea, per quæ plurima est perditio illius. O Sapiens secundùm Deum: in hoc sapias ut redimas tempus: Etenim magna portio sapientiæ, magnum artificium est, scire uti, & ipsa uti recte tempore.

Durissimum Deus exercet judicium cum ho-
minibus, de transacto sibi dato tempore; Sicut
de vita nostra, ita & de tempore nostro ratio-
red.

reddenda est: commixta enim est tempori nostro nostra vita, adeò ut tempus nostrum, sit pñè ipsa nostra vita. Certè neque lucrum, neque damnum patimur temporis nisi simul & subeamus vitæ, cùm enim effluit tempus, eripit nobis simul & vitam. Et nos stulti, per jacturas temporis, arbitramur nos lucrari vitam. Sed Deus, eodem calculo computat nostrum tempus, & nostram vitam. perditum tempus & perditam vitam. Quidni, ergo si sapio, immò, quidni sapio tandem, & æstimo, & redimo, & lucror tempus, ut simul lucrer etiam vitam, antequam Deus accipiat & vocet adversum me tempus: & Psal. 74. 3. statuat illud contra me, audireque faciat queri- Thren. 1. 15. monias ejus de me, exposcentisque vindictam ex me: quia non in eo pretio, non in eo usu, non in ea observatione, non in ea dispensatione fuit apud me: qualem fuisse, & ipsa vita, & professio vitæ, & obligatio status, & propositus finis, & commoditas: obtinendi finis, & elapsio velocissima, simul ac incompensabilis ipsius temporis, exigebat à me. Ecce jam ipsi anni mei, ipsa conditio corporis, valetudinisque meæ, in horas atque momenta inclamant auribus meis.

*Tempus breve est. Tempus non erit ultra. Breves dies t. Cor. 7. 29.
hominis. Nunquid non paucitas dierum meorum finie- Apoc. 19. 9.
tur brevi? Ergo dum tempus habemus operemur bo- Job. 10. 20.
num, operemur bonum benè, operemur studio- Gal. 6. 10.
sè, copiosè, assiduè, infatigabiliter, insatiabili-
ter, incessanter, per hoc redimentes, per hoc
multiplicantes, per hoc fenebre, lucrosum,
pietiosum, superabundans facientes
nobis tempus.*

Conscientia Confusionis & Insultationis.

Confusionem ipsa faciet, ipsa sentiet, ipsa etiam menti animaque ingeret conscientia. Accusabit enim ipsa se, atque convincet negligentiæ, insipientiæ, inobedientiæ ad Deum, ad rationem, ad fidem, ad seipsam, in negotio salutis, in negotio æternæ Beatitudinis, in negotio Divinæ gloriæ ac voluntatis, in negotio seu potius periculo sempiternæ damnationis, de quibus omnibus veluti ludens, aut somnians, aut aliud nescio quid agens, curam habuisse arguetur. Hæc confusio est quidem totius vitæ labor, at præcipue infestare consuevit moribundos morientesque, & jam jam ante tribunal Christi sistendos: quando jam nihil curarum præsentium obstrépet, nihil obtundet aciem mentis & conscientiæ, sed omnia in luce, omnia in facie proposita & in oculis, patebunt Christo, patebunt & Angelis Sanctisque ejus; patebunt dæmonibus, ipsi conscientiæ denique patebunt. Tunc verò undique proclamabitur. Ecce homo & opera ejus. En vineam Domini vitemque electam, quæ expetabatur ut faceret uvas: fecit autem labruscas. En sicut, quæ in optimo Ecclesiæ Dei agro consita, plantata, adulta, nec per biennium, neque per tricennium protulit frudum bonum Agricolæ, nec quidem proprio sanguini ad rigandum, ad sterorandum illam parcenti. Venient etiam tot industriæ & gratiaræ D. vinæ, per Angelos, per homines, per alias Creaturas, per Sacra menta, per documenta, per exempla, cæteraque media calitus provisa, quæ omnia suum laborem exponent, fructum exigent, sterilitatem invenient, securimi-

Isa. 5.2.

Luc. 13.8.

ad excindendum exactuent. Putasne ô anima, putasne ô conscientia, capiesne, & comprehendes, quæ tibi tunc confusio, quæ angustia, quis pudor superveniet?

Quid autem erit, si ad hæc accedet (accedet verò indubitate) tot inimicorum tuorum juratorum, congregatorum, insultatio? quando omnibus in unum adductis, hinc quidem sanctè & perfectè vivendi subsidiis, debitibus, commoditatibus: illinc verò tempore in summo atque in veteratâ ignaviâ, probrosâ inconstantia, putidisimâ procrastinatione, abominabili lentitudine, omnibus exactis vitæ diebus simul ac operibus: amaritudine omni amarioribus vocibus, diabolica phalanx, audiente & assentiente Judice Christo, totoque cælesti ejus comitatu, approbante magis, quam miserante, exprobrans insultabit, insultans exprobabit: *Domine nonne bonum se- Matt. 13. 25.*
men seminasti in agro tuo? unde ergo habet zizania?
Quid debuit ultra facere vineæ isti Dominus, & non fecit ei? Et ecce quomodo conversa est illi in pravum vinea aliena? Ecce quomodo *in terra Sanctorum iniqua gessit?* Ecce quomodo in loco pinguedinis, in sterilitate defecit. in schola charitatis didicit tepiditatem & acediam. In schola humilitatis, didicit superbiam, in schola paupertatis, acquisivit abundantiam, in schola mortificationis & crucis, mollis facta est & delicata. In schola silentii, garrula, murmuratrix, oblocutrix facta est. In schola obedientiæ, propriæ servivit voluntati, in schola mansuetudinis iracundiam exercuit. In schola devotionis & fervoris, in negligentia & socordia consenuit. Hæc dicent: & sic insultabunt, aperientes super te os suum; omnes inimici tui, sibilabunt, frement dentibus, & dicent.

Isa. 5.4.

Thr. 2.16.

*Devorabimus. En ista est dies, quam expēctavimus,
invenimus, vidimus. Et quid ad hæc conscientia?*

Deut. 32. 24. *quid ad hæc anima? quid ad hæc ô homo, si
quando insultatione insultabunt tibi, & consu-
ment te, & devorabunt te dracones inferni mor-
su amarissimo. Nunc ergo audi consilium Do-
mini: tepiditates tuas fervoribus redime: negli-
gentias tuas, dilationes tuas diligentias & festina-
tione. Non cesseret manus tua, non cesseret pes tuus:
fac quod dico, & temetipsum libera: quia inci-
disti in manum proximi tui: discurre, festina, suffi-
ta amicum tuum ne dederis somnium oculis tuis, ne
dormitent palpebrae tue. Eruere quasi damula de
manu, & quasi avis de manu aucupis. Nunc igitur,
dum superat tempus, libera te, ô conscientia mea,
à tua propria confusione: libera etiam te, à dia-
bolica insultatione, ut avertantur statim erube-
scentes, qui volunt tibi mala, qui dicunt tibi Euge,
euge. Exultent autem & lœtentur in te omnes, qui
Psah. 69. 4. querunt te, & dicant semper. Magnificetur Domi-
nus: qui diligunt salutare tuum.*

CLASSIS SECUNDÆ Stimulus I.

Ipsa ingruens vel urgens Senectus.

EA quidem est Senectutis prærogativa, utho-
minem quem afficit, à plerisque humana
vitæ officiis, operibus quoque bonis æquè ac
malis absolvat. Prudentia tamen, ut plurimum,
præ omnibus æstatibus in senibus viget, una ex
virtutibus: sicuti Philargyria seu avaritia una ex
vitiis invalescit. Utrumque horum, si ad spiritua-
lia studia conferat senilis voluntas: vix ulla erit
æstatum, virtuti & perfectioni parandæ, divitiis-
que